



XUNTA DE GALICIA  
CONSELLERÍA DE CULTURA, EDUCACIÓN  
E ORDENACIÓN UNIVERSITARIA



# **X.I.C. 2013**

## **X XORNADAS DE INTERRELACIÓN CURRICULAR II CONCURSO "LUCUS INTERCENTROS"**

### **BASES DO CONCURSO**



## 1.- INTRODUCCIÓN

É este un concurso de preguntas e respostas dirixido a alumnos de primeiro curso de bacharelato. Está organizado dentro das **X Xornadas de Interrelación Curricular**. Estas xornadas, como o seu nome indica, teñen como finalidade interrelacionar currículos de diferentes ensinanzas e persoas de distintos centros educativos.

## 2.- OBXECTIVOS

2.1. Interrelacionar alumnos de primeiro curso de Bacharelato dos Institutos de Educación Secundaria da cidade de Lugo: Anxel Fole, As Mercedes, Leiras Pulpeiro, Lucus Augusti, Muralla Romana, Nosa Señora dos Ollas Grandes, Sanxillao e Xoán Montes.

2.2. Poñer en práctica a parte do currículo dos alumnos do Ciclo Superior de Secretariado referida á organización de eventos e actos públicos.

2.3. Interrelacionar profesores dos IES da cidade de Lugo.

2.4. Vivir unha xornada lúdica agradable para todos os participantes.

## 3.- DA ORGANIZACIÓN

### 3.1. Organización e colaboracións

a) Organizan os alumnos do Ciclo Superior de Secretariado do IES Muralla Romana e a profesora de Proxecto Integrado.

b) Colaboran:

- Na elaboración das preguntas que se plantexan ao longo das diferentes fases do concurso, profesores dos Institutos da cidade.
- Profesores e alumnos do departamento da Familia de Informática do IES Muralla Romana, para a presentación dixital do mesmo.
- Profesores e alumnos da Escola de Imaxe e Son da Fundación TIC (Deputación Provincial de Lugo) na publicidade, produción e realización.
- Profesores e alumnos do CIFP Politécnico de Lugo, na creación dos pulsadores.
- Profesores e alumnos da Escola de Arte e Superior de Deseño "Ramón Falcón", na fotografía.

3.2. O II Concurso "Lucus Intercentros" terá lugar o día **5 de abril de 2013** no Salón de Actos do IES Muralla Romana de Lugo e poderá ser visto en directo pinchando nun banner, que a tal efecto, aparecerá na web da Fundación TIC: [www.fundaciontic.org](http://www.fundaciontic.org).

## 4.- DOS PARTICIPANTES

4.1. Poderán participar oito equipos, un por cada Instituto de Educación Secundaria público da cidade de Lugo. O nome xenérico de cada equipo virá dado polo do centro ao que pertence. Cada equipo pode elixir un nome específico. Exemplo: "Os Senlleiros" do Muralla Romana. Os institutos, comunicarán o nome específico do equipo e o nome e apelidos dos alumnos participantes antes do día **15 de marzo de 2013** ás **12:00** usando a dirección de correo electrónico: [estheraldariz@edu.xunta.es](mailto:estheraldariz@edu.xunta.es).

Cada equipo estará composto por tres membros.

4.2. Todos os equipos deberán estar no Salón de Actos do IES Muralla Romana o día 5 de abril ás 10:00 horas.

## 5.- DO PROCEDEMENTO

### 5.1. Datas e horarios

#### 5.1.1. Día 15 de marzo de 2013.

12:00 horas: Remata o prazo para que os Institutos envíen o nome dos tres compoñentes e o nome específico do equipo (se fora o caso).

#### 5.1.2. Día 4 de abril de 2013.

11:30 horas: Sorteo público para as eliminatorias de cuartos de final. Salón de Actos do IES Muralla Romana.

#### 5.1.3. DÍA 5 de abril 2013

10:00 horas.- Presentación de todos os equipos no Salón de Actos do IES Muralla Romana.

10:30 horas.- Primeira eliminatoria de cuartos de final

10:50 horas.- Segunda eliminatoria de cuartos de final

11:10 horas.- Terceira eliminatoria de cuartos de final

11:30 horas.- Cuarta eliminatoria de cuartos de final

11:50 horas.- DESCANSO

12:20 horas.- Primeira semifinal. Confrontaranse os gañadores da primeira e da terceira eliminatoria de cuartos de final.

12:40 horas.- Segunda semifinal. Confrontaranse os gañadores de segunda e cuarta eliminatoria de cuartos de final.

13:00 horas.- Terceiro e cuarto posto. Disputarán o terceiro posto os eliminados en semifinais.

13:20 horas.- Final. Disputarán o primeiro e segundo posto os gañadores de semifinais.

13:40 horas.- Entrega de premios.

### 5.2. Eliminatorias

O procedemento será o mesmo en todas as eliminatorias:

- Cada equipo nomeará a un portavoz que será o que pulse a resposta acordada.
- Formúlanse 10 preguntas de cultura xeral sobre os seguintes temas: Actualidade, Bioloxía e Xeoloxía, Deportes, Física e Química, Francés, Inglés, Latín e Grego, Lingua e Literatura casteláns, Lingua e Literatura galegas, Matemáticas, Música e Xeografía e Historia
- Unha vez formulada a pregunta, e ofrecidas as tres posibles opcións (A, B e C), os equipos contarán con **15 segundos** para marcar a que consideren acertada. Se a resposta é correcta, sumaranse no marcador do equipo 10 puntos. Se non é correcta o marcador permanecerá invariable.
- En caso de empate ao final das 10 preguntas:
  - Pasarase a utilizar o pulsador. Cada un dos equipos terá un pulsador.
  - O primeiro en acender a luz, despois da palabra "TEMPO" dita polo presentador do concurso, será o que teña a opción de contestar a pregunta nos seguintes 15". Se acerta, será o gañador da eliminatoria.
  - Se non acerta o outro equipo poderá responder, se a resposta é correcta, será o gañador da eliminatoria. De fallar, pasarase á seguinte pregunta na que se actuará do mesmo xeito.

## 6.- DOS PREMIOS

**1º PREMIO.**- Unha tablet BQ Readers Maxwell – Plus, para cada un dos membros do equipo que se proclame vencedor.

**2º PREMIO.**- Unha tablet BQ Readers Maxwel – Lite, para cada un dos membros do equipo que acade a segunda posición.

**3º PREMIO.**- Unha memoria USB de 32 G para cada un dos membros do equipo que acade a terceira posición.

**4º PREMIO.**- Unha memoria USB de 16 G para cada un dos membros do equipo que acade a cuarta posición.

**ACCÉSIT.**- Unha memoria USB de 8 G para cada un dos membros dos equipos participantes que non teñan acadado ningún dos premios citados con anterioridade.